



Број: 05-50-1-482-8/15  
Сарајево, 19. фебруара 2015. године

**ПАРЛАМЕНТАРНА СКУПШТИНА**  
**БОСНЕ И ХЕРЦЕГОВИНЕ**

-Представнички дом

-Дом народа

**САРАЈЕВО**

BOSNA I HERCEGOVINA  
PARLAMENTARNA SKUPSTINA BOSNE I HERCEGOVINE  
SARAJEVO

PRIMLJENO:	13.02.2015		
Organizaciona jedinica	Klasifikaciona oznaka	Radni broj	Broj priloga
01/02-03-	296	/15	

B

**Предмет: Одлука Председништва БиХ, доставља се**

У складу са чланом 6. Закона о учешћу припадника Оружаних снага Босне и Херцеговине, полицијских службеника, државних службеника и осталих запосленика у операцијама подршке миру и другим активностима у иностранству (Службени гласник БиХ, број: 14/05) достављамо вам на разматрање Одлуку о учешће групе подофицира Оружаних снага Босне и Херцеговине у операцији подршке миру Одлучна подршка у Исламској Републици Афганистан.

Будући да је Министарство одбране Босне и Херцеговине надлежно за наведену одлуку, молимо вас да на састанке ваших комисија, односно сједнице Дома, поред представника Председништва БиХ, као предлагача позовете и представнике Министарства одбране БиХ, који заступницима односно делегатима могу дати све потребне информације у вези наведене одлуке.

С поштовањем,





Na osnovu članova 11. i 12. tačke c) i h) Zakona o odbrani Bosne i Hercegovine (*Službeni glasnik BiH*, broj: 88/05), člana 4. Zakona o učešću pripadnika Oružanih snaga Bosne i Hercegovine, policijskih službenika, državnih službenika i ostalih zaposlenika u operacijama podrške miru i drugim aktivnostima u inostranstvu (*Službeni glasnik BiH*, broj: 14/05), Zaključka Vijeća ministara Bosne i Hercegovine sa 62. sjednice, održane 03.09. 2013. godine o Ocjeni opravdanosti učešća pripadnika Oružanih snaga Bosne i Hercegovine u operaciji Odlučna podrška u Islamskoj Republici Afganistan, i člana 32. stav 1. tačka a) Poslovnika o radu Predsjedništva Bosne i Hercegovine (*Službeni glasnik BiH*, broj: 10/13, 32/13 i 22/14), Predsjedništvo Bosne i Hercegovine na 3. redovnoj sjednici, održanoj 11. februara 2015. godine, donijelo je

**ODLUKU**  
**O UČEŠĆU GRUPE PODOFICIRA ORUŽANIH SNAGA BOSNE I HERCEGOVINE**  
**U OPERACIJI PODRŠKE MIRU ODLUČNA PODRŠKA U ISLAMSKOJ REPUBLICI AFGANISTAN**

**Član 1.**

(Predmet)

Ovom odlukom definiše se učešće grupe podoficira Oružanih snaga Bosne i Hercegovine u operaciji podrške miru Odlučna podrška (*Resolute Support Mission*) u Islamskoj Republici Afganistan, međunarodnoj vojnoj operaciji podrške miru pod vodstvom NATO-a (u daljem tekstu: operacija podrške miru RSM).

**Član 2.**

(Sastav)

Grupa podoficira Oružanih snaga Bosne i Hercegovine, koja se angažuje u operaciji podrške miru RSM, je sastava dva podoficira.

**Član 3.**

(Misija)

Podoficiri Oružanih snaga Bosne i Hercegovine izvršavat će misiju operativnih, administrativnih i drugih štapskih zadataka i poslova koje zahtijevaju formacijska mjesta štaba Komande za obuku, savjetovanje i pomoć –Sjever (TAAC N).

**Član 4.**

(Zona angažovanja)

Podoficiri Oružanih snaga Bosne i Hercegovine bit će angažovani u zoni Komande za obuku, savjetovanje i pomoć –Sjever (TAAC N), a u okviru doprinosa zemalja članica A-5.

**Član 5.**

(Mandat podoficira)

- (1) Grupa podoficira Oružanih snaga Bosne i Hercegovine upućuje se u operaciju podrške mira RSM u dvije rotacije.
- (2) Mandat jedne rotacije je šest mjeseci sa mogućnošću produženja do mjesec dana.
- (3) Vrijeme početka i završetka mandata regulisat će ministar odbrane Bosne i Hercegovine.

#### Član 6.

(Šef dijela kontingenta)

Imenovani šef grupe oficira Oružanih snaga Bosne i Hercegovine u operaciji podrške miru RSM bit će ujedno i šef grupe podoficira Oružanih snaga Bosne i Hercegovine u operaciji podrške miru RSM.

#### Član 7.

(Nadležnost operativne kontrole)

Ovlašćuje se načelnik Zajedničkog štaba Oružanih snaga Bosne i Hercegovine da nadležnost operativne kontrole nad podoficirima Oružanih snaga Bosne i Hercegovine prenese na vrhovnog komandanta savezničkih snaga za Evropu (SACEUR) koju će isti delegirati na komandanta Komande za obuku, savjetovanje i pomoć- Sjever.

#### Član 8.

(Upotreba pripadnika po pravilima angažovanja)

Načelnik Zajedničkog štaba Oružanih snaga Bosne i Hercegovine zadržava pravo, obavezu i odgovornost da unutar lanca komandovanja i kontrole osigura angažovanje podoficira Oružanih snaga Bosne i Hercegovine u skladu sa pravilima angažovanja (ROE).

#### Član 9.

(Obilježja i oznake)

Ovlašćuje se ministar odbrane Bosne i Hercegovine da u cilju veće sigurnosti podoficira Oružanih snaga Bosne i Hercegovine, obilježja i oznake činova prilagodi uslovima zone izvođenja operacije.

#### Član 10.

(Naredba o upućivanju)

Naredbe o upućivanju prve i druge rotacije grupe podoficira Oružanih snaga Bosne i Hercegovine u operaciju podrške miru RSM donijet će ministar odbrane.

#### Član 11.

(Ovlaštenje ministra)

Ministar odbrane će u skladu sa Zakonom o obrani Bosne i Hercegovine regulisati sva pitanja neophodna za uspješno izvršenje misije grupe podoficira Oružanih snaga Bosne i Hercegovine u operacije podrške miru RSM u Islamskoj Republici Afganistan.

#### Član 12.

(Potpisivanje međunarodnih akata u misiji)

Ovlašćuje se ministar odbrane Bosne i Hercegovine da u ime Bosne i Hercegovine potpiše zahtijevana međunarodna akta sa ciljem realizacije učešća grupe podoficira Oružanih snaga Bosne i Hercegovine u operaciji podrške miru RSM.

#### Član 13.

(Izvještavanje)

Ministarstvo odbrane Bosne i Hercegovine dostavljat će Predsjedništvu Bosne i Hercegovine redovni izvještaj o učešću grupe podoficira Oružanih snaga Bosne i Hercegovine u operaciji podrške miru RSM dva puta godišnje, a vanredni izvještaj prema potrebi i iskazanom zahtjevu.

**Član 14.**  
**(Stupanje na snagu)**

**Ova oduka stupa na snagu danom donošenja, a objavit će se u *Službenom glasniku Bosne i Hercegovine*.**

Broj: 01-50-1-411-12/15  
Sarajevo, 11. februara 2015. godine

